

page :

K066

條目：

七斷

有漏從見斷

內容：

『愚人不得聞正法，不值真知識，不知聖法，不調御聖法，不知如真法，不正思惟故，便作是念：我有過去世，我無過去世，我何因過去世，我云何過去世耶？（增：云何有過去久遠？我今當有過去久遠？或復思惟：無過去久遠？云何當有過去久遠？為誰有過去久遠？未來例）我有未來世，我無未來世，我何因未來世，我云何未來世耶？自疑己身：何謂是？云何是耶？今此眾生**众何所來**，當至何所？本何因有，當何因有？』（增：云何有此有眾生久遠？此眾生久遠，為從何來？從此命終，當生何處？）

【「众何所來」疑為筆誤，經文作「從何所來」。】

出處：

※參見《中阿含經》卷 2〈七法品 1〉（一〇）《漏盡經》(CBETA, T01, no. 26, p. 432, a13-28)：

【按：亦參 M. 2. Sabbāsava-Sutta.】

云何有漏從見斷耶？凡夫愚人不得聞正法，不值真知識，不知聖法，不調御聖法，不知如真法，不正思惟故，便作是念：『我有過去世，我無過去世，我何因過去世，我云何過去世耶？

我有未來世，我無未來世，我何因未來世，我云何未來世耶？自疑己身何謂是，云何是耶？今此眾生從何所來，當至何所？本何因有，當何因有？』彼作如是不正思惟，於六見中隨其見生而生真有神，此見生而生真無神，此見生而生神見神，此見生而生神見非神，此見生而生非神見神，此見生而生此是神，能語、能知、能作、教、作起、教起，生彼彼處，受善惡報，定無所從來，定不有、定不當有，是謂見之弊，為見所動，見結所繫。凡夫愚人以是之故，便受生、老、病、死苦也。」

※參見《增壹阿含經》卷 34〈七日品 40〉（六）(CBETA, T02, no. 125, p. 740, b12-c8)：

【按：亦參 M. 2. Sabbāsava-Sutta.】

「彼云何法應思惟，然不思惟此法？所言思惟法者，未生欲漏使不生，已生欲漏而滅之；未生有漏令不生，已生有漏而滅之；未生無明漏令不生，已生無明漏而滅之。是謂此法應可思惟而不思惟，所不應思惟者便思惟之。應思惟者復不思惟之，未生欲漏而生，已生欲漏而增多；未生有漏而生，已生有漏而增多；未生無明漏而生，已生無明漏而增多。彼人作如是思惟：『云何有過去久遠？我今當有過去久遠？』或復思惟：『無過去久遠？云何當有過去久遠？為誰有過去久遠？云何復有當來久遠？我今當有將來久遠？』或復言：『無將來久遠。云何當有將來久遠？為誰有將來久遠？云何有此眾生久遠？此眾生久遠為從何來？從此命終當生何處？』彼人起此不祥之念，便興六見展轉生耶想，有我見審有此見；無有我見審興此見；有我見無我見於中起審見；又復自觀身復興此見；於己而不見己；復興此見，於無我而不見無我，於中起此見。爾時，彼人復生此邪見：我者即是今世，亦是後世，常存於世而不朽敗，亦不變易，復不移動。是謂名為邪見之聚。邪見、災患、憂、悲、苦、惱，皆由此生而不可療治，亦復不能捨，遂增苦本，由是不為沙門之行、涅槃之道。」

條目：

六見

內容：

『彼作如是不正思惟，於六見中，隨其見生而生真有神；此見生而生真無神；此見生而生神見神；此見生而生神見非神；此見生而生非神見神；此見生而生此是神，能語、能知、能作、能教、能起教，起生彼彼處，受善惡報；定無所從來，定不有、定不當有。（增：便興六見，展轉生邪見想：有我見，審有此見；無有我見，審興此見；有我見無我見，於中起審見；又復自觀身復興此見；於己而不見己；復興此見，於無我而不見無我，於中起此見。爾時，彼人復生此邪見：我者，即是今世，亦是後世，常存於世而不朽敗，亦不變易，復不移動。』）

『是謂見之弊，為見所動，見結所繫。凡夫愚人以是之故，便受生、老、病、死苦也。』（增：是謂名為邪見之聚。邪見、災患、憂、悲、苦、惱，皆由此生而不可療治，亦復不能捨，遂增苦本。』）

『多聞聖弟子得聞正法，值真知識，調御聖法，知如真法，知苦如真，……如是知如真已，則三結盡，身見、戒取、疑……。若不知見者，則生煩惱、憂戚，知見則不生煩惱、憂戚，是謂有漏從見斷也。』（增：七日品 6.）

出處：

※參見《中阿含經》卷 2〈七法品 1〉（一〇）《漏盡經》(CBETA, T01, no. 26, p. 432, a13-b6)：

【按：亦參 M. 2. Sabbāsava-Sutta.】

云何有漏從見斷耶？凡夫愚人不得聞正法，不值真知識，不知聖法，不調御聖法，不知如真法，不正思惟故，便作是念：『我有過去世，我無過去世，我何因過去世，我云何過去世耶？

我有未來世，我無未來世，我何因未來世，我云何未來世耶？自疑己身何謂是，云何是耶？今此眾生從何所來，當至何所？本何因有，當何因有？』彼作如是不正思惟，於六見中隨其見生而生真有神，此見生而生真無神，此見生而生神見神，此見生而生神見非神，此見生而生非神見神，此見生而生此是神，能語、能知、能作、[8]教、[9]作起、教起，生彼彼處，受善惡報，定無所從來，定不有、定不當有。

是謂見之弊，為見所動，見結所繫。凡夫愚人以是之故，便受生、老、病、死苦也。」

「多聞聖弟子得聞正法，值真知識，調御聖法，知如真法，知苦如真，知苦習、知苦滅、知苦滅道如真。如是知如真已，則三結盡，身見、戒取、疑三結盡已，得須陀洹，不墮惡法，定趣正覺，極受七有，天上人間七往來已，便得苦際；若不知見者，則生煩惱、憂惑，知見則不生煩惱、憂惑，是謂有漏從見斷也。」

【按：p. 432, [8]（能）+教【宋】【元】【明】。

p. 432, [9] 作＝能【宋】【元】【明】。】

※參見《增壹阿含經》卷 34〈七日品 40〉（六）(CBETA, T02, no. 125, p. 740, b12-c8)：

【按：亦參 M. 2. Sabbāsava-Sutta.】

「彼云何法應思惟，然不思惟此法？所言思惟法者，未生欲漏使不生，已生欲漏而滅之；未生有漏令不生，已生有漏而滅之；未生無明漏令不生，已生無明漏而滅之。是謂此法應可思惟而不思惟，所不應思惟者便思惟之。應思惟者復不思惟之，未生欲漏而生，已生欲漏而增多；未生有漏而生，已生有漏而增多；未生無明漏而生，已生無明漏而增多。彼人作如是思惟：『云何有過去久遠？我今當有過去久遠？』或復思惟：『無過去久遠？云何當有過去久遠？為誰有過去久遠？云何復有當來久遠？我今當有將來久遠？』或復言：『無將來久遠。云何當有將來久遠？為誰有將來久遠？云何有此眾生久遠？此眾生久遠為從何來？從此命終當生何處？』彼人起此不祥之念，便興六見展轉生耶想，有我見審有此見；無有我見審興此見；有我見無我見於中起審見；又復自觀身復興此見；於己而不見己；復興此見，於無我而不見無我，於中起此見。爾時，彼人復生此邪見：我者即是今世，亦是後世，常存於世而不朽敗，亦不變易，復不移動。

是謂名為邪見之聚。邪見、災患、憂、悲、苦、惱，皆由此生而不可療治，亦復不能捨，遂增苦本，由是不為沙門之行、涅槃之道。」

條目：

有漏從護斷

內容：

『眼見色，護眼根者，以正思惟不淨觀也。（增：不起染污之心，亦不起想著。）不護眼根者，不正思惟以淨觀也。若不護者，則生煩惱、憂戚，護則不生。……是謂有漏從護斷也。』（增：『從威儀斷』）

出處：

※參見《中阿含經》卷 2〈七法品 1〉（一〇）《漏盡經》(CBETA, T01, no. 26, p. 432, b6-13)：

【按：亦參 M. 2. Sabbāsava-Sutta.】

云何有漏從護斷耶？比丘！眼見色護眼根者，以正思惟不淨觀也，不護眼根者，不正思惟以淨觀也。若不護者，則生煩惱、憂戚，護則不生煩惱、憂戚。如是耳、鼻、舌、身、意知法，護意根者，以正思惟不淨觀也，不護意根者，不正思惟以淨觀也。若不護者，則生煩惱、憂戚，護則不生煩惱、憂戚，是謂有漏從護斷也。」

※參見《增壹阿含經》卷 34〈七日品 40〉（六）(CBETA, T02, no. 125, p. 741, a23-29)：

【按：亦參 M. 2. Sabbāsava-Sutta.】

「云何有漏威儀所斷？於此，比丘！若眼見色不起色想，亦不起染污之心，具足眼根，亦無缺漏而護眼根。若耳聞聲、鼻嗅香、舌知味、身知細滑、意知法，都不起染污之心，亦不起想著而護意根。若不攝其威儀，則生有漏；若攝其威儀者，則無有漏之患。是謂此漏威儀所斷。」

條目：

有漏從離斷

內容：

『見惡象……惡道、溝坑、……惡知識、……惡閭里、……若諸梵行人，與其同處，人無疑者而使有疑，比丘應當離。……若不離者，則生煩惱、憂戚，離則不生，……是謂有漏從離斷也。』

出處：

※參見《中阿含經》卷 2〈七法品 1〉（一〇）《漏盡經》(CBETA, T01, no. 26, p. 432, b13-21)：

【按：亦參 M. 2. Sabbāsava-Sutta.】

「云何有漏從離斷耶？比丘！見惡象則當遠離，惡馬、惡牛、惡狗、毒蛇、惡道、溝坑、屏廁、江河、深泉、山巖。惡知識、惡朋友、惡異道、惡閭里、惡居止，若諸梵行與其同處，人無疑者而使有疑，比丘者應當離。惡知識、惡朋友、惡異道、惡閭里、惡居止，若諸梵行與其同處，人無疑者而使有疑，盡當遠離。若不離者，則生煩惱、憂戚，離則不生煩惱、憂戚，是謂有漏從離斷也。」

※參見《增壹阿含經》卷 34〈七日品 40〉（六）(CBETA, T02, no. 125, p. 741, a13-19)：

【按：亦參 M. 2. Sabbāsava-Sutta.】

「彼云何有漏遠離所斷？於是，比丘！除去亂想，猶如惡象、駱駝、牛、馬、虎、狼、狗、蛇虵、深坑、危岸、柘棘、峻崖、濕泥，皆當遠離之。莫與惡知識從事，亦復不與惡人相近，能熟思惟不去心首，設不將護者，則生有漏；設擁護者，則不生有漏，是謂有漏遠離所斷。」

條目：

有漏從用斷

內容：

『衣服、飲食、床座、湯藥，若不用者，則生煩惱、憂戚，用則不生，……是謂有漏從用斷也。』（增：『親近所斷』）

出處：

※參見《中阿含經》卷 2〈七法品 1〉（一〇）《漏盡經》(CBETA, T01, no. 26, p. 432, b21-c5)：

【按：亦參 M. 2. Sabbāsava-Sutta.】

「云何有漏從用斷耶？比丘！若用衣服，非為利故，非以貢高故，非為嚴飾故，但為蚊虻、風雨、寒熱故，以慚愧故也。若用飲食，非為利故，非以貢高故，非為肥悅故，但為令身久住，除煩惱、憂戚故，以行梵行故，欲令故病斷，新病不生故，久住安隱無病故也。若用居止房舍、床褥、臥具，非為利故，非以貢高故，非為嚴飾故，但為疲倦得止息故，得靜坐故也。若用湯藥，非為利故，非以貢高故，非為肥悅故，但為除病惱故，攝御命根故，安隱無病故。若不用者，則生煩惱、憂戚，用則不生煩惱、憂戚，是謂有漏從用斷也。」

※參見《增壹阿含經》卷 34〈七日品 40〉（六）(CBETA, T02, no. 125, p. 741, a1-13)：

【按：亦參 M. 2. Sabbāsava-Sutta.】

「彼云何漏親近所斷？於是，比丘！持心受衣，不興榮飾，但欲支其形體，欲除寒熱，欲令風雨不加其身，又覆形體不令外露。又持心隨時乞食，不起染著之心，但欲趣支形體，使故痛得差，新者不生；守護眾行，無所觸犯，長夜安隱而修梵行，久存於世。復持心意親近床座，亦不著榮華服飾，但欲除飢寒、風雨、蚊虻之類，趣支其形，得行道法。又復持心親近醫藥，不生染著之心；於彼醫藥，但欲使疾病除愈故，身體得安隱。設不親近者，則生有漏之患。若親近，則無有漏之患，是謂此漏親近所斷。」

條目：

有漏從忍斷

內容：

『精進斷惡不善，修善法故，……當復堪忍飢渴、寒熱、蚊蠱……惡聲捶打，……諸疾，……諸不可樂，皆能堪忍。若不忍者，則生煩惱、憂戚；忍則不生……是謂有漏從忍斷也。』（增：『恭敬所斷』）

出處：

※參見《中阿含經》卷 2〈七法品 1〉（一〇）《漏盡經》(CBETA, T01, no. 26, p. 432, c5-13)：

【按：亦參 M. 2. Sabbāsava-Sutta.】

「云何有漏從忍斷耶？比丘！精進斷惡不善，修善法故，常有起想，專心精勤，身體、皮肉、筋骨、血髓皆令乾竭，不捨精進，要得所求，乃捨精進。比丘！復當堪忍飢渴、寒熱、蚊虻蠅蚤虱，風日所逼，惡聲捶杖，亦能忍之，身遇諸病，極為苦痛，

至命欲絕，諸不可樂，皆能堪忍。若不忍者，則生煩惱、憂戚，忍則不生煩惱、憂戚，是謂有漏從忍斷也。」

※參見《增壹阿含經》卷 34〈七日品 40〉（六）(CBETA, T02, no. 125, p. 740, c26-p. 741, a1)：

【按：亦參 M. 2. Sabbāsava-Sutta.】

「彼云何漏恭敬所斷？於是，比丘！堪忍飢寒，勤苦風雨、蚊虻、惡言、罵辱，身生痛惱，極為煩疼，命垂欲斷，便能忍之。若不爾者，便起苦惱。設復能堪忍者，如是不生，是謂此漏恭敬所斷。」

條目：

有漏從除斷

內容：

『生欲念不除斷捨離，生恚念、害念不除斷捨離，若不除者，則生煩惱、憂戚，除則不生，……是謂有漏從除斷也。』（增：『娛樂所斷』）

出處：

※參見《中阿含經》卷 2〈七法品 1〉（一〇）《漏盡經》(CBETA, T01, no. 26, p. 432, c13-16)：

【按：亦參 M. 2. Sabbāsava-Sutta.】

「云何有漏從除斷耶？比丘！生欲念不除斷捨離，生恚念、害念不除斷捨離，若不除者，則生煩惱、憂戚，除則不生煩惱、憂戚，是謂有漏從除斷也。」

※參見《增壹阿含經》卷 34〈七日品 40〉（六）(CBETA, T02, no. 125, p. 741, a19-23)：

【按：亦參 M. 2. Sabbāsava-Sutta.】

「彼云何有漏娛樂所斷？於是，比丘！生欲想而不捨離，設起瞋恚想，亦不捨離，設復起疾想，亦不捨離，設不捨離者，則生有漏；能捨離者，便能不起有漏。是謂此漏娛樂所斷。」

條目：

有漏從思惟斷

內容：

『思惟初念覺支，依離、依無欲、依於滅盡，趣至出要法。(七爾)……若不思惟者，則生煩惱、憂戚；思惟則不生，是謂有漏從思惟斷。』中二·5；增七日品 6.

出處：

※參見《中阿含經》卷 2〈七法品 1〉(一〇)《漏盡經》(CBETA, T01, no. 26, p. 432, c16-21)：

【按：亦參 M. 2. Sabbāsava-Sutta.】

「云何有漏從思惟斷耶？比丘！思惟初念覺支，依離、依無欲、依於滅盡，起至出要，法精進喜息定，思惟第七捨覺支，依離、依無欲、依於滅盡，趣至出要。若不思惟者，則生煩惱、憂戚，思惟則不生煩惱、憂戚，是謂有漏從思惟斷也。」

※參見《增壹阿含經》卷 34〈七日品 40〉(六)(CBETA, T02, no. 125, p. 741, a29-b6)：

【按：亦參 M. 2. Sabbāsava-Sutta.】

「彼何等有漏思惟所斷？於是，比丘！修念覺意，依無欲、依無污、依滅盡而求出要，修法覺意、精進覺意、喜覺意、猗覺意、定覺意、護覺意，依無欲、依無污、依滅盡而求出要。若不修此者，則生有漏之患；設能修者，則不生有漏之患。是謂此漏思惟所斷。」